

OFFERYNNAU STATUDOL CYMRU

2024 No. 782

Rheoliadau Caffael (Cymru) 2024

RHAN 4

Diwygiadau canlyniadol

Diwygio Deddf Partneriaeth Gymdeithasol a Chaffael Cyhoeddus (Cymru) 2023

46.—(1) Mae Deddf Partneriaeth Gymdeithasol a Chaffael Cyhoeddus (Cymru) 2023(1) wedi ei diwygio fel a ganlyn.

(2) Yn adran 25 (dyletswydd caffael cymdeithasol gyfrifol: contractau adeiladu mawr), yn is-adran (2), yn lle'r geiriau o "sydd", yn y lle cyntaf y mae'n digwydd, hyd at y diwedd rhodder—

"sy'n contract gweithiau sydd â gwerth amcangyfrifedig o £2,000,000 neu fwy."

(3) Yn adran 45 (dehongli Rhan 3), yn is-adran (1)—

(a) hepgorer y diffiniadau o—

- "y Rheoliadau Contractau Consesiwn",
- "y Rheoliadau Contractau Cyhoeddus",
- "contract gweithiau cyhoeddus",
- "y Rheoliadau Contractau Cyfleustodau", a
- "contract consesiwn gweithiau";

(b) yn y diffiniad o "gweithiau", yn lle'r geiriau o "yr ystyr a roddir" hyd at y diwedd, rhodder *"("works")* yr ystyr a roddir gan reoliad 45 o Reoliadau Caffael (Cymru) 2024 ac Atodlen 3 iddynt(2);

(c) yn y diffiniad o "contract gweithiau", yn lle'r geiriau o "yr ystyr a roddir" hyd at y diwedd, rhodder "yr ystyr a roddir i "works contract" gan baragraff 4 o Atodlen 1 i Ddeddf Caffael 2023 (p. 54);".

(4) Yn adran 45 (dehongli Rhan 3), yn is-adran (2), yn lle "â rheoliad 6(1) o'r Rheoliadau Contractau Cyhoeddus" rhodder "ag adran 4 o Ddeddf Caffael 2023".

Diwygio Deddf 2023

47.—(1) Mae Deddf 2023 wedi ei diwygio fel a ganlyn.

(2) Yn adran 17 (hysbysiadau ymgysylltu rhagarweiniol â'r farchnad), yn is-adran (3) hepgorer y geiriau a ganlyn "other than to a private utility which is a devolved Welsh authority that is not carrying out procurement under a reserved procurement arrangement or a transferred Northern Ireland procurement arrangement."

(1) 2023 dsc 1.

(2) O.S. 2024/782 (Cy. 121).

(3) Yn adran 87 (contractau rheoleiddiedig sydd o dan y trothwy: hysbysiadau), yn lle is-adran (4)(a) rhodder—

- “(a) in the case of a contract to be awarded by—
- (i) a central government authority that is not a devolved Welsh authority, not less than £12,000;
 - (ii) a central government authority that is a devolved Welsh authority, not less than £30,000, or”.

Diwygio Rheoliadau Fforymau Ysgolion (Cymru) 2003

48. Yn Rheoliadau Fforymau Ysgolion (Cymru) 2003(3), yn rheoliad 9(1) (ymgyngori ynghylch contractau), yn lle'r geiriau o “os” hyd at y diwedd rhodder “pan na fo gwerth amcangyfrifedig y contract arfaethedig yn llai na'r trothwy sy'n gymwys i'r awdurdod perthnasol ar gyfer y contract arfaethedig hwnnw yn unol ag adran 3 o Ddeddf Caffael 2023”.

Diwygio Rheoliadau Taliadau Gwasanaeth (Gofynion Ymgynghori) (Cymru) 2004

49. Yn Rheoliadau Taliadau Gwasanaeth (Gofynion Ymgynghori) (Cymru) 2004(4), yn rheoliad 2(1) (dehongli), yn y diffiniad o “hysbysiad cyhoeddus”, yn lle “hysbysiad a gyhoeddir, yn unol â Rheoliadau Contractau Cyhoeddus 2015, ar wasanaeth e-hysbysu'r DU (fel y'i diffinnir gan y Rheoliadau hynny)” rhodder “unrhyw hysbysiad a gyhoeddir yn unol â Deddf Caffael 2023 sy'n ymwneud â chontract cyhoeddus (o fewn yr ystyr a roddir i “public contract” gan adran 3 o'r Ddeddf honno)”.

Diwygio Rheoliadau Deddf Cydraddoldeb 2010 (Dyletswyddau Statudol) (Cymru) 2011

50.—(1) Mae Rheoliadau Deddf Cydraddoldeb 2010 (Dyletswyddau Statudol) (Cymru) 2011(5) wedi eu diwygio fel a ganlyn.

- (2) Yn rheoliad 18 (caffael cyhoeddus)—
- (a) ym mharagraff (1), yn lle “gwneud cytundeb perthnasol ar sail y cynnig mwyaf manteisiol yn economaidd” rhodder “dyfarnu contract cyhoeddus yn dilyn gweithdrefn dendro gystadleuol”;
 - (b) ym mharagraff (2), yn lle “cytundeb perthnasol” rhodder “contract cyhoeddus”;
 - (c) yn lle paragraff (3) rhodder—

“(3) Yn y rheoliad hwn, mae i “meini prawf”, “gweithdrefn dendro gystadleuol”, “awdurdod contractio” a “contract cyhoeddus” yr un ystyr ag a roddir i “award criteria”, “competitive tendering procedure”, “contracting authority” a “public contract” yn y drefn honno yn Neddf Caffael 2023.”

Diwygio Rheoliadau Deddf Casglu a Rheoli Trethi (Cymru) 2016 (Darpariaethau Canlyniadol ac Atodol) 2018

51. Yn Rheoliadau Deddf Casglu a Rheoli Trethi (Cymru) 2016 (Darpariaethau Canlyniadol ac Atodol) 2018(6), hepgorer rheoliad 2.

(3) O.S. 2003/2909 (Cy. 275). Diwygiwyd rheoliad 9(1) gan O.S. 2006/5, Atodlen 7(1), paragraff 4 ac O.S. 2015/102, Atodlen 6(2), paragraff 13.

(4) O.S. 2004/684 (Cy. 72). Diwygiwyd rheoliad 2(1) gan O.S. 2006/5, Atodlen 7(1), paragraff 5 ac O.S. 2019/116, rheoliad 2.

(5) O.S. 2011/1064 (Cy. 155). Diwygiwyd rheoliad 18 gan O.S. 2019/120, rheoliad 2.

(6) O.S. 2018/285 (Cy. 54).

Diwygio Rheoliadau Cymorth Amaethyddol (Diwygiadau Amrywiol) (Cymru) (Ymadael â'r UE) 2021

52. Yn Rheoliadau Cymorth Amaethyddol (Diwygiadau Amrywiol) (Cymru) (Ymadael â'r UE) 2021(7), yn rheoliad 6, hepgorer paragraff (27)(ii).

Diwygio Rheoliadau Caffael Cyhoeddus (Cytundebau Masnach Ryngwladol) (Diwygio) (Cymru) (Rhif 2) 2023

53. Yn Rheoliadau Caffael Cyhoeddus (Cytundebau Masnach Ryngwladol) (Diwygio) (Cymru) (Rhif 2) 2023(8), hepgorer rheoliadau 2 i 5.

Diwygio Rheoliad (EU) Rhif 1303/2013 Senedd Ewrop a'r Cyngor dyddiedig 17 Rhagfyr 2013

54. Yn Rheoliad (EU) Rhif 1303/2013 Senedd Ewrop a'r Cyngor dyddiedig 17 Rhagfyr 2013(9), yn Erthygl 68a(1), yn lle "the threshold set out in regulation 5 of the Public Contracts Regulations 2015" rhodder "the relevant threshold amount set out in Schedule 1 to the Procurement Act 2023".

(7) O.S. 2021/400 (Cy. 129).

(8) O.S. 2023/567 (Cy. 88).

(9) Rheoliad (EU) Rhif 1303/2013 Senedd Ewrop a'r Cyngor dyddiedig 17 Rhagfyr 2013.